



სსიპ მასწავლებელთა პროფესიული განვითარების ეროვნული ცენტრი

სატენდერო დოკუმენტაცია

მასწავლებელთათვის სასწავლო მეთოდური ფილმების მომზადების
მომსახურების

CPV 92100000 - კინო და ვიდეო მომსახურებები
(CPV 92111100 - სასწავლო ფილმებისა და ვიდეოჩანაწერების წარმოება)

გამარტივებული ელექტრონული ტენდერის
საშუალებით შესყიდვა

ქ. თბილისი
2014 წელი

გამარტივებული ელექტრონული ტენდერით სასწავლო მეთოდური ფილმების მომზადების მომსახურების შესყიდვა მასწავლებელთათვის განხორციელდება "სახელმწიფო შესყიდვების შესახებ" საქართველოს კანონისა და "გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ" სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად (იხ. ვებ გვერდი www.procurement.gov.ge).

ტექნიკური დოკუმენტაცია

1. შესყიდვის ობიექტის აღწერა:

1.1. პრეტენდენტმა უნდა უზრუნველყოს სსიპ მასწავლებელთა პროფესიული განვითარების ეროვნულ ცენტრთან შეთანხმებით, სასწავლო მეთოდური ფილმების მომზადება მასწავლებელთათვის, რომელიც გულისხმობს სცენარის მომზადებას, მასალის გადაღებას, დამონტაჟებას და საბოლოო სახით მიწოდებას. მასალის შინაარსსა და თემატიკას განსაზღვრავს მასწავლებელთა პროფესიული განვითარების ეროვნული ცენტრი. თემატური მიმართულებებია: 1. წიგნიერება, კითხვისა და წერის უნარების განვითარება მოსწავლეებში; 2. ქართულის, როგორც მეორე ენის სწავლება; 3. ინკლუზიური განათლება.

1.2. ვიდეომასალა საბოლოო სახით უნდა წარმოადგენდეს 5-დან 20 წუთამდე ხანგრძლივობის ფილმების ნაკრებს (თითო ფილმი წარმოაჩენს ერთ რომელიმე მეთოდს, სტრატეგიას, აქტივობას და ა.შ.);

1.3. ვიდეომასალის ჯამური ქრონომეტრაჟი - არაუმეტეს 13 საათი და 20 წუთისა (800 წუთისა);

ვიდეოგადაღების მომსახურების შესყიდვის სავარაუდო ღირებულებაა 60 000 (სამოციათასი) ლარი.

2. აუცილებელი მოთხოვნები:

2.1. სცენარი შემუშავებული უნდა იყოს შემსყიდველთან თანამშრომლობით;

2.2. ფილმებში მონაწილე პირებისა და გადასაღები სივრცის შერჩევა უნდა მოხდეს შემსყიდველთან თანამშრომლობით;

2.3. გადასაღებ ადგილებზე ტრანსპორტირებას უზრუნველყოფს პრეტენდენტი (გადასაღები ადგილები შეირჩევა როგორც ქ. თბილისის მასშტაბით, ასევე რეგიონებში: მარნეულის რ-ნი, ბოლნისის რ-ნი, მცხეთის რ-ნი.);

2.4. პრეტენდენტი ვალდებულია უზრუნველყოს შემსყიდველი გადაღების პროცესში გამოკვეთილი აუცილებელი რეკვიზიტებით.

- 2.5. გადაღებების პროცესის წარმოება უნდა მოხდეს განათებისა და 2 კამერის/ოპერატორის მეშვეობით;
- 2.6. ვიდეო გადაღება მოიცავს მონტაჟს, გახმოვანებას და გრაფიკულ ჩანართებს;
- 2.7. სამუშაო ვერსიის წარმოდგენის შემდეგ, გამოთქმული შენიშვნებისა და შემოთავაზებების საფუძველზე უნდა მოხდეს ცვლილებების შეტანა და საბოლოო სახით წარმოდგენა;
- 2.8. შექმნილი ვიდეომასალა ხარისხით არ უნდა ჩამოუვარდებოდეს მასწავლებელთა პროფესიული განვითარების ცენტრის მიერ მომზადებულ სხვა ფილმებს (იხ. www.tpdc.ge);
- 2.9. პრეტენდენტს უნდა ჰქონდეს აღნიშნულ სფეროში მოღვაწეობის არანაკლებ 5 (ხუთ) წლიანი გამოცდილება. მათ შორის, **სასწავლო, სასკოლო საგაკვეთილო, მასწავლებელთა მეთოდურ ვიდეომასალაზე** მუშაობის გამოცდილება წიგნიერებისა და ინკლუზიური განათლების მიმართულებით;
- 2.10. ვიდეოგადაღებაზე უშუალოდ მომუშავე პერსონალს უნდა გააჩნდეს **სასწავლო, სასკოლო საგაკვეთილო, მასწავლებელთა მეთოდურ ვიდეომასალაზე** მუშაობის გამოცდილება წიგნიერებისა და ინკლუზიური განათლების მიმართულებით;
3. ხელშეკრულების გაფორმებამდე პრეტენდენტმა შემსყიდველ ორგანიზაციაში უნდა წარმოადგინოს მის მიერ გადაღებული **სასწავლო, სასკოლო საგაკვეთილო, მასწავლებელთა მეთოდური ვიდეო მასალის ნიმუში**, შემსყიდველის მოთხოვნის შემთხვევაში. ნიმუშის წარმოდგენა უნდა მოხდეს მოთხოვნიდან არაუგვიანეს 2 (ორი) სამუშაო დღის ვადაში. ნიმუში წარმოდგენილ უნდა იქნას შემდეგ მისამართზე ქ. თბილისი გმირ კურსანტთა ქ. №1.
4. პრეტენდენტის მიერ წარმოდგენილი ტექნიკური დოკუმენტაცია უნდა შეიცავდეს შემდეგ დოკუმენტებსა და ინფორმაციას:
- 4.1. ინფორმაციას აღნიშნულ სფეროში (ვიდეოგადაღების) მოღვაწეობის სამუშაო გამოცდილების შესახებ (არანაკლებ 5 წელი) დანართი №1-ის შესაბამისად;
- 4.2. ინფორმაციას პრეტენდენტის მიერ განხორციელებული ანალოგიური სასწავლო, სასკოლო საგაკვეთილო, მასწავლებელთა მეთოდურ ვიდეომასალის გადაღების მომსახურების შესახებ. წარმოდგენილ უნდა იქნეს სასწავლო ვიდეომასალის ნუსხა. აგრეთვე, ინტერნეტ სივრცეში განთავსებული გადაღებული ვიდეომასალის ელექტრონული მისამართი-ლინკი (არსებობის შემთხვევაში);

4.3. იმ პირთა CV, ვინც უშუალოდ იმუშავეს აღნიშნულ მასალაზე, შესაბამისი, მათ მიერ შექმნილი სასწავლო, სასკოლო საგაკვეთილო, მასწავლებელთა მეთოდურ ვიდეომასალის დასახელება, წიგნიერებისა და ინკლუზიური განათლების მიმართულებით. აღნიშნულ პირებს შესრულებული უნდა ჰქონდეს არანაკლებ 1 პროექტი;

4.4. პრეტენდენტის უფლებამოსილი პირის მიერ ხელმოწერილი განფასება დანართში №2-ში მოცემული ფორმით. სატენდერო წინადადების ფასები უნდა მოიცავდეს ამ ტენდერით გათვალისწინებული მომსახურებასთან დაკავშირებულ ყველა ხარჯსა (მათ შორის სატენდერო დოკუმენტაციის აუცილებელი პირობებით განსაზღვრული) და კანონმდებლობით გათვალისწინებულ გადასახადებს, დღგ-ს ჩათვლით. ასევე გადაღების პროცესში გამოკვეთილი აუცილებელი რეკვიზიტებით უზრუნველყოფის ხარჯებს. ხარჯები, რომლებიც სატენდერო წინადადების ფასში არ იქნება გათვალისწინებული არ დაექვემდებარება ანაზღაურებას;

4.5. პრეტენდენტის სრულ რეკვიზიტებს (დასახელება, იურიდიული და ფაქტიური მისამართი, საბანკო რეკვიზიტები, ხელმძღვანელის სახელი და გვარი, საკონტაქტო პირის/ების სახელი, გვარი, ტელეფონის ნომერი, ელ.ფოსტის მისამართი);

5. პრეტენდენტს არ აქვს უფლება წარმოადგინოს ალტერნატიული სატენდერო წინადადება.

6. ანგარიშსწორების სავალდებულო პირობები:

2.1.1. სატენდერო წინადადების ფასი უნდა მოიცავდეს ამ ტენდერით გათვალისწინებული მომსახურებასთან დაკავშირებულ ყველა ხარჯსა (მათ შორის სატენდერო დოკუმენტაციის აუცილებელი პირობით განსაზღვრულ) და კანონმდებლობით გათვალისწინებულ გადასახადებს, დღგ-ს ჩათვლით; ასევე გადაღების პროცესში გამოკვეთილი აუცილებელი რეკვიზიტებით უზრუნველყოფის ხარჯებს.

6.1. ანგარიშსწორება მოხდება უნაღდო ანგარისწორებით ლარში;

6.2. ანგარიშსწორება განხორციელდება ეტაპობრივად, ვიდეომასალის მიწოდების შემდგომ ფაქტიურად გაწეული მომსახურების შესაბამისად, მხარეთა შორის გაფორმებული მიღება-ჩაბარების აქტისა და წარმოდგენილი ანგარიშ-ფაქტურის საფუძველზე, არაუგვიანეს 15 (თხუთმეტი) სამუშაო დღის განმავლობაში;

6.3. წინასწარი ანგარიშსწორება (ავანსი) არ გამოიყენება.

7. მომსახურების გაწევის სავალდებულო ვადები და მასალის მიწოდების ადგილი:

- 7.1. მომსახურების გაწევის სავალდებულო ვადა: ფილმებზე მუშაობა უნდა დასრულდეს ხელშეკრულების გაფორმებიდან არაუგვიანეს 2014 წლის 14 ნოემბრისა;
- 7.2. მასალა უნდა ჩაბარდეს ეტაპობრივად (2 ეტაპად): წიგნიერების მიმართულებით, არაუგვიანეს 2014 წლის 30 ივნისისა, ხოლო ქართულის, როგორც მეორე ენის სწავლებისა და ინკლუზიური განათლების მიმართულებით - არაუგვიანეს 2014 წლის 14 ნოემბრისა.
- 7.3. ვიდეომასალის მოწოდების ადგილი: ქ. თბილისი, გმირ კურსანტთა ქ. №1;
8. მომსახურება მიმწოდებლის მიერ გაწეულ უნდა იქნეს ტექნიკურ დავალების პირველი და მეორე პუნქტით გათვალისწინებული პირობების გათვალისწინებით;
9. პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.

10. სახელმწიფო შესყიდვების შესახებ ხელშეკრულების პროექტი

ქ.თბილისი

----- 2014 წელი

ერთის მხრივ სსიპ მასწავლებელთა პროფესიული განვითარების ეროვნული ცენტრი, წარმოდგენილი დირექტორის გია მამულაშვილის სახით (შემდგომში - „შემსყიდველი“) და მეორეს მხრივ -----
----- წარმოდგენილი დირექტორის ----- სახით (შემდგომში - „მიმწოდებელი“) „სახელმწიფო შესყიდვების შესახებ“ საქართველოს კანონის შესაბამისად, გამარტივებული ელექტრონული ტენდერის ჩატარების შედეგად, რომელიც გამოცხადებულ იქნა შემსყიდველის მიერ 2014 წლის --- (სატენდერო განცხადების ნომერი SPA14---) დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულების საგანი

ხელშეკრულების საგანს წარმოადგენს -----
----- სატენდერო ტექნიკური დავალების შესაბამისად, რომელიც შემდგომში თან ერთვის ხელშეკრულებას და მის განუყოფელ ნაწილს წარმოადგენს.

2. ხელშეკრულების ღირებულება

- 2.1. ხელშეკრულების ღირებულება შეადგენს ----- (-----) ლარს;
- 2.2. ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი, რომლის გადახდაც ეკისრება „მიმწოდებელს“;

3. მომსახურების სახეობა, ვადები და მიწოდების პირობები.

- 3.1. „მიმწოდებელი“ უზრუნველყოფს (შემდგომში მომსახურება) სატენდერო დოკუმენტაციის ტექნიკურ პირობებში მოცემული პირობების შესაბამისად.
- 3.2. მასალა უნდა ჩაბარდეს ეტაპობრივად (2 ეტაპად): წიგნიერების მიმართულებით, არაუგვიანეს 2014 წლის 30 ივნისისა, ხოლო ქართულის, როგორც მეორე ენის სწავლებისა და ინკლუზიური განათლების მიმართულებით - არაუგვიანეს 2014 წლის 14 ნოემბრისა.

4. ანგარიშსწორების ფორმა და ვადები

- 4.1. „მიმწოდებელთან“ ანგარიშსწორება ხორციელდება ეტაპობრივად, უნაღდო ანგარიშსწორებით ეროვნულ ვალუტაში;
- 4.2. „მიმწოდებელი“ გაწეული მომსახურების თაობაზე „შემსყიდველთან“ ადგენს მიღება-ჩაბარების აქტს, რის საფუძველზეც „მიმწოდებელი“ „შემსყიდველს“ წარუდგენს საგადასახადო დოკუმენტს საგადასახადო კოდექსით დადგენილი წესითა და ვადით;

4.3., მიმწოდებელთან ანგარიშსწორება ხორციელდება მიღება-ჩაბარების აქტის გაფორმებიდან 15 (თხუთმეტი) სამუშაო დღის ვადაში;

5. შესყიდვის ობიექტის მიღება-ჩაბარების წესი

5.1. „შემსყიდველი“ ფაქტიურად გაწეულ მომსახურებაზე „მიმწოდებელთან“ ადგენს მიღება-ჩაბარების აქტს;

5.2. შესყიდვის ობიექტის მიწოდებად ჩაითვლება მიღება-ჩაბარების აქტის საფუძველზე „შემსყიდველის“ მიერ იმ მომსახურების მიღება, რომელიც უნდა მიაწოდოს „მიმწოდებელმა“ ამ ხელშეკრულების მე-3 მუხლით გათვალისწინებული პირობებითა და წესით;

5.3. შესყიდვის ობიექტის მიღების დროს საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს „მიმწოდებელი“;

5.4. ხელშეკრულების მე-4 მუხლის 4.2. პუნქტის შეუსრულებლობის შემთხვევაში არ მოხდება თანხის გადახდა, ხოლო საკითხის 10 დღის ვადაში მოუგვარებლობის შემთხვევაში „შემსყიდველის“ მიერ მიღება გადაწყვეტილება ხელშეკრულების შეწყვეტის შესახებ;

5.5. „შემსყიდველის“ მხრიდან მიღება-ჩაბარების აქტზე ხელმოწერის უფლებამოსილება ენიჭება ცენტრის -----.

6. მხარეთა უფლებები

6.1. „მიმწოდებელს“ უფლება აქვს სახელშეკრულებო ღირებულების ფარგლებში მოითხოვოს ფაქტიურად გაწეული მომსახურების ღირებულების დროული გადახდა;

6.2. „შემსყიდველს“ უფლება აქვს:

6.2.1. მოითხოვოს ხარისხიანი მომსახურების გაწევა ხელშეკრულებით გათვალისწინებულ პირობებითა და ვადაში;

6.2.2. აწარმოოს ხელშეკრულების პირობების შესრულების მონიტორინგი.

7. მხარეთა ვალდებულებები:

7.1. მიმწოდებელი ვალდებულია:

7.1.1. შემსყიდველის მოთხოვნის შესაბამისად, ხელშეკრულების 3.2. პუნქტით განსაზღვრულ ვადებში დაასრულოს და გადასცეს შემსყიდველს მასალა.

7.1.2. დროულად და ხარისხიანად შეასრულოს ხელშეკრულებით განსაზღვრული პირობები.

7.1.3. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;

7.1.4. გაუწიოს შემსყიდველს უნაკლო მომსახურება;

7.1.5. მიმწოდებლის ვალდებულება მომსახურების გაწევაზე ითვლება შესრულებულად შემსყიდველის მიერ მიღება-ჩაბარების აქტის გაფორმების მომენტიდან. ხელშეკრულებით ნაკისრი ვალდებულების შესრულებასთან ერთად, მიმწოდებელი ვალდებულია გადასცეს შემსყიდველს ყველა შესაბამისი დოკუმენტი;

7.1.6. თუკი მომსახურება არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი საკუთარი ხარჯით.

7.2. „შემსყიდველი“ ვალდებულია:

7.2.1. უზრუნველყოს „მიმწოდებლისათვის“ თანხის გადახდა ხელშეკრულების მე-4 მუხლის 4.2. და მე-6 მუხლის 6.1.1. პუნქტის შესაბამისად;

7.2.1. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

8. ფორს-მაჟორი

8.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

8.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გათვალისწინებული ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, „შემსყიდველის“ საბიუჯეტო ასიგნებების მკვეთრი შემცირებით და სხვა;

8.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყონებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

9. ხელშეკრულების პირობების და ღირებულების გადასინჯვა

9.1. თუ წინასწარი გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;

9.2. სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;

9.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით;

9.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

10. სადავო საკითხების გადაწყვეტა

10.1. „შემსყიდველმა“ და „მიმწოდებელმა“ ყველა ღონე უნდა იხმარონ, რათა შეთანხმებით მოაგვარონ ყველა უთანხმოება დავა, წარმოქმნილი მათ შორის ხელშეკრულების ან მასთან დაკავშირებული სხვა გარემოების ირგვლივ;

10.2. თუ „შემსყიდველი“ და „მიმწოდებელი“ ვერ შეძლებენ 30 დღის ვადაში სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით, შეუძლია დადგენილი წესის მიხედვით მიმართოს საქართველოს საერთო სასამართლოს.

11. ხელშეკრულების შესრულების შეფერხება

11.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყონებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 10 დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით;

11.2. იმ შემთხვევაში, თუ ხელშეკრულების პირობების შესრულების შეფერხების გამო, მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის(შეთანხმების) გზით.

12. მხარეთა მიერ ვალდებულებების შეუსრულებლობა

12.1. „შემსყიდველი“ უფლებამოსილია ხელშეკრულებით ნაკისრი პირობებისა და ვალდებულებების შეუსრულებლობის ან/და არაჯეროვნად შესრულების გამო დააკისროს „მიმწოდებელს“ პირგასამტეხლო სახელშეკრულებო ღირებულების 3%-ის ოდენობით;

12.2. „შემსყიდველი“ უფლებამოსილია ხელშეკრულებით ნაკისრი პირობებისა და ვალდებულებების შესრულების ვადების გადაცილების შემთხვევაში დააკისროს „მიმწოდებელს“ პირგასამტეხლო ხელშეკრულების შეუსრულებელი ნაწილის ღირებულების 1%-ის ოდენობით ყოველ გადაცილებულ დღეზე;

12.3. გადახდის ვადის გადაცილების შემთხვევაში „მიმწოდებელი“ უფლებამოსილია დააკისროს „შემსყიდველს“ პირგასამტეხლო გადაუხდელი თანხის 1%-ის ოდენობით ყოველ გადაცილებულ დღეზე;

12.4. იმ შემთხვევაში თუ ვადების გადაცდენისათვის დაკისრებული პირგასამტეხლოს ჯამური ოდენობა გადააჭარბებს ხელშეკრულების ღირებულების 3%-ს, „შემსყიდველს“ ან/და „მიმწოდებელს“ უფლება აქვთ შეწყვიტონ ხელშეკრულება;

12.5. საჯარიმო თანხების გადახდა არ ათავისუფლებს მხარეებს ძირითადი ვალდებულებების შესრულებისაგან.

13. ხელშეკრულების კონტროლი

13.1. ხელშეკრულების შესრულებაზე კონტროლს ახორციელებს შემსყიდველის მიერ სათანადოდ დანიშნული პირი, ----- ;

13.2. „შემსყიდველის“ უფლება აქვთ განახორციელონ გაწეული მომსახურების ხარისხის კონტროლი;

13.3. მიმწოდებელი“ ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

14. ხელშეკრულების ენა

ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

15. ხელშეკრულების შეწყვეტა

15.1. ხელშეკრულება შეწყვეტილ იქნეს:

15.1.1. მხარეთა შეთანხმებით;

15.1.2. საქართველოს მოქმედი კანონმდებლობით და ამ ხელშეკრულებით გათვალისწინებული სხვა შემთხვევებში.

16. ხელშეკრულების მოქმედების ვადა

წინამდებარე ხელშეკრულება ძალაშია მხარეთა ხელმოწერის დღიდან და მოქმედებს 2014 წლის 15 დეკემბრის ჩათვლით.

17. განსაკუთრებული პირობები

ხელშეკრულება შედგენილია ----- გვერდზე, სამი თანაბარი იურიდიული ძალის მქონე ეგზემპლარად და ინახება ორი პირი „შემსყიდველთან“, ერთი პირი „მიმწოდებელთან“.

შესყიდველი

შესყიდველი

სსიპ მასწავლებელთა პროფესიული
განვითარების ეროვნული ცენტრი
საიდენტიფიკაციო კოდი: 202374251
გმირ კურსანტთა ქ. №1
სახელმწიფო ხაზინა; ბანკის კოდი:
TRESGE22, ანგარიშის №
GE24NB0330100200165022;

მიმწოდებელი

მიმწოდებელი

შპს "-----"
საიდენტიფიკაციო კოდი: -----
მის: -----
ტელ/ფაქსი: ---
ელ-ფოსტა: -----@---
ბანკი: ----
ბანკის კოდი:-----, ანგარიშის №:-----

გია მამულაშვილი

დირექტორი

დირექტორი

11. სატენდერო კომისიის აპარატის იმ წევრის ვინაობა და საკონტაქტო ინფორმაცია, რომლებსაც უფლება აქვს გასცეს ინფორმაცია და განმარტებები შესყიდვის პროცედურების შესახებ. დამატებითი ინფორმაცია დაინტერესებულ პირებს შეუძლიათ მიიღონ ს.ს.ი.პ. "მასწავლებელთა პროფესიული განვითარების ეროვნული ცენტრში", შემდეგ მისამართზე: ქ. თბილისი, გმირ კურსანტთა ქ. №1, III სართული, ტელ: 220 0 220 (4601) მობ: 599 727 727. საკონტაქტო პირი: მაია გულორდავა, ელ. ფოსტა: mgulordava@tpdc.ge

ინფორმაცია კომპანიის გამოცდილების შესახებ¹

პრეტენდენტის დასახელება _____

N #	გაწეული მომსახურების აღწერა	პერიოდი	დამკვეთი იურიდიული პირი (ორგანიზაცია)	პროექტის ღირებულება	შენიშვნა

პრეტენდენტის ხელმოწერა და ორგანიზაციის ბეჭედი _____

¹ პრეტენდენტს უნდა ჰქონდეს აღნიშნულ სფეროში მოღვაწეობის არანაკლებ 5(ხუთი) წლიანი გამოცდილება. მათ შორის, სასწავლო, სასკოლო საგაკვეთილო, მასწავლებელთა მეთოდურ ვიდეომასალაზე მუშაობის გამოცდილება წიგნიერებისა და ინკლუზიური განათლების მიმართულებით

მომსახურების ხარჯთაღრიცხვა

პრეტენდენტის დასახელება _____

№	დასახელება	სავარაუდო ქრონომეტრაჟი (წთ.)	ერთეულის ფასი	საერთო ფასი ²
1.	სასწავლო მეთოდური ფილმების მომზადება მასწავლებელთათვის (სატენდერო დოკუმენტაციის პირველი და მეორე პუნქტით განსაზღვრული პირობების გათვალისწინებით). თემატური მიმართულებებია: 1. წიგნიერება, კითხვისა და წერის უნარების განვითარება მოსწავლეებში; 2. ქართულის, როგორც მეორე ენის სწავლება; 3. ინკლუზიური განათლება.	800 (რვაასი)		

✓ ანგარიშსწორება განხორციელდება ფაქტიურად გაწეული მომსახურების შესაბამისად.

პრეტენდენტის ხელმოწერა და ორგანიზაციის ბეჭედი -----

² სატენდერო წინადადების ფასი უნდა მოიცავდეს ამ ტენდერით გათვალისწინებული მომსახურებასთან დაკავშირებულ ყველა ხარჯსა (მათ შორის სატენდერო დოკუმენტაციის აუცილებელი პირობით განსაზღვრულ) და კანონმდებლობით გათვალისწინებულ გადასახადებს, დღეს ჩათვლით). ასევე გადადების პროცესში გამოკვეთილი აუცილებელი რეკვიზიტებით უზრუნველყოფის ხარჯებს.